

SABTU • 06.10.2018

GERBANG AKADEMIK

suplemenutusan@gmail.com



28

(DARI kiri), Che Muhammad Fajri Che Abdul Aziz, Nur Firdaus Ashraaf Mohd. Nor Kafli, Nur Afiqah Fauzi, Ezam Syamir Yusoff dan Mohamad Afiq Aiman Che Mohd. Zulkarnain berbincang mengenai projek yang mereka lakukan ketika ditemui di Pulau Pinang, baru-baru ini. - UTUSAN/AZMAN ASMAYATIM

UniKL lahirkan pelajar holistik

TERBAIK. Itulah perkataan pertama yang keluar dari mulut Che Muhammad Fajri Che Abdul Aziz apabila ditanya pengalaman yang diperolehi sepanjang berada di Universiti Kuala Lumpur (UniKL).

Pelajar Ijazah Sarjana Muda Teknologi Multimedia (Kepujian) Reka Bentuk Multimedia Interaktif, UniKL Malaysian Institute of Information Technology (UniKL MIIT) itu mengakui UniKL berbeza dengan universiti lain kerana menyediakan sistem pem-

belajaran secara *hands-on* serta satu dengan satu.

Selain itu kemudahan yang disediakan juga dilihat selari dengan perkembangan teknologi semasa serta membantu pembelajaran mereka terutama dalam bidang animasi dan multimedia.

Jelas anak kelahiran Kelantan itu, perisian yang digunakan dalam pembelajaran di kampus UniKL MIIT juga mesra pengguna serta membantu pelajar untuk lebih mudah menerima apa yang diajar oleh pensyarah.

Pendapat itu diakui rakanannya, Nur Firdaus Ashraaf Mohd. Nor Kafli yang mengambil jurusan Reka Bentuk Multimedia Interaktif yang mengakui mereka mendapat lebih daripada apa yang diajar di dalam kelas kerana boleh meneroka ilmu baharu menerusi kemudahan yang ada di kampus itu di Kuala Lumpur.

"Komitmen yang ditunjukkan oleh pensyarah juga membuatkan pelajar lebih rapat serta banyak projek yang dihasilkan dengan sokongan pen-

syarah yang berjaya memasuki pertandingan di peringkat tempatan dan antarabangsa.

"Malah UniKL menyediakan pelajar yang bukan sahaja mampu berfikir secara kritis malah memiliki kemahiran berfikir menerusi pengalaman dan pengamatan yang amat dititik beratkan ke arah kecemerlangan mereka," katanya.

Sementara itu bagi pelajar Sarjana Muda Teknologi Kejuruteraan (Elektronik Gunaan) di Universiti Kuala Lumpur Ma-

laysian Spanish Institute (UniKL MSI) di Kulim, Kedah, Mohamad Afiq Aiman Che Mohd. Zulkarnain, suasana persekitaran yang kondusif di kampus itu mampu menyediakan pelajar yang cemerlang fizikal dan mental.

"Di sini kami diberi peluang oleh pensyarah untuk menganjurkan program-program sama ada di peringkat dalaman atau turun kepada masyarakat bukan sahaja di sekitar Kulim malah sehingga ke Pulau Pinang, Terengganu dan Perak," katanya.